

# „Tjesmawier”

biwenne troch

Sjoerd Hoekstra



De mānske stjelp  
„Tjesmawier”

Mai 46 (?)  
floren kohier

*It wie op in winige winterdei dat ik op reis teach nei „Tjesmawier”. De pleats hwer't Sjoerd Hoekstra op buorke, mar ek de pleats hweraoan foar my yn it forline biningen sitte. Hjir lei in great part fan myn bernjeieren. En wyls ik nou mei de wyn yn'e rēch it Grouster Leechlân ynfyste gongen myn tinzen dochs efkes 60 jier tobek.*

*As ik doe nei Tjesmawier wollen hie, dan hie it mei in skou moatten. Der hinne hie it wol gien, foar de wyn of sydwyn sile. Dat hiene wy as bern al goed yn'e gaten.*

*Mar dan hie ik ek werom moatten, roeije hie myn foarlân west. As ik dan tink hoe't it by westerstoarm op de Biggemar spoekje koe, doe wie ik dochs bliid op it fytske to sitten, al wie it dan ek in lienden ien en moast ik ek de wêromreis wol ris in eintse by de fyts rinne.*

*It Grouster Leechlân is ûntsletten. In dreambyld út myn jongesjierren is wûrklikheit wurden. Sa kaem ik dan op Tjesmawier. Ek hjir is gâns foroare. De bikende stikjes lân om it hiem hinne binne hast net werom to finen. Der is in sinteldyk kommen, der binne sleatten ticht makke, de mole is der net mear. It is by it earste kommen alle gear oars. Mar as ik yn'e hûs kom dan fyn ik dochs it bikende werom, it milhûs, de molkenkelder, de wenkeamer, hja sels it útfanhûzersbêd yn'e gong.*

De tiid stiet net stil. Ik ha it tocht doe't ik by Tjesmawier op it efterhiem stie. Nou alles greide, forhurde diiken, wetterskipsbimealling. Foarhinne wetterlân en noch ris wetterlân. By Ingebuerren in mar mei útgongen hweretroch ek Tjesmawier hjirmei forboun wie.

Tjesmawier hat alear in koaipleats west en it leech by it efterhiem, dat wy de lege pôlle neamden moat der noch in oerbliuwsel fan wêze. Nou is it in greidpleats mei 60 pounsmiet lân om it hûs hinne en noch 10 pounsmiet oan'e Folkertssleat. Eigener is de famylje Talsma en brûkers binne Sjoerd Hoekstra en Bintsje Algra. Eardere eigeners en brûkers hawwe west:

1640 Erfgenamen fan Gerben en Rienk Doekles.

1698 Sytze Annes tot Grou eigener.

1708-1738 Sytze Annes eigener en brûker.

1748 Vrouwe Douairière v. Kamstra, geb. v. Haersma eignerske, Anne en Hinne Sytzes brûker.

1758-1768 As yn 1748.

1778 Selde eigener, Klaas Abram brûker.

1788 Arend Johannes van Sminia eigener, Pyter Clases brûker.

1798 As yn 1788.

1818 Arend Johannes van Sminia eigener, Sikke M. Koldyk brûker.

1828 Eritia van Sminia eigener,  
Jan H. Koystra brûker.

1838 A. J. van Sminia eigener,  
Sjoerd J. Hiemstra brûker.

1848 As yn 1838.

1858 Jhr. Hector Azn. van Sminia  
eigener, selde brûker.

Oan't safier de floreen-kohieren,  
hwêrym Tjesmawier opnommen wie  
ûnder nû. 46.

Oan't 1911 ta hat de famylje Van  
Sminia eigener west. Doe is de  
pleats forkocht en waerd de hear J.

L. Talsma eigener. Hwa hierders  
west hawwe kin ik net krekt sizze,  
mar yn elts gefal hat der omtrint  
1880 in famylje Staastra wenne.

Oan 't 1897 Jacob Draisma.

1897-1912 Tebbe de Haan en Hielk-  
je de Jong.

1912 Hylkie Sytsma en Fetje  
Jaarsma. Dérnei Sjoerd de Jong en  
Lokke de Groot.

1933-1950 Fam. Ritske de Vries.

1950-1964 Fam. Sjoerd Hoekstra.

d.H.